



МОНГОЛ УЛС  
ШҮҮХИЙН ЕРӨНХИЙ ЗӨВЛӨЛИЙН  
ТОГТООЛ

2022 оны 01 сарын 27 өдөр

Дугаар 20

Улаанбаатар хот

Шүүхийн шагналын журам батлах тухай

Монгол Улсын шүүхийн тухай хуулийн 72 дугаар зүйлийн 72.1.8, 79 дүгээр зүйлийн 79.1 дэх хэсэгт заасныг тус тус үндэслэн ТОГТООХ нь:

1. “Шүүхийн шагналын журам”-ыг 1 дүгээр хавсралтаар, “Шүүхийн тэргүүний ажилтан” цол, тэмдэг, үнэмлэхийн загварыг 2 дугаар хавсралтаар, Монгол Улсын дээд шүүхийн “Хүндэт тэмдэг”, үнэмлэх, “Жуух бичиг”, хавтасны загварыг 3 дугаар хавсралтаар, Шүүхийн ерөнхий зөвлөлийн “Хүндэт тэмдэг”, үнэмлэхийн загварыг 4 дүгээр хавсралтаар, “Шударга ёсны элч” цол, тэмдэг, үнэмлэхийн загварыг 5 дугаар хавсралтаар, Шүүхийн ерөнхий зөвлөлийн “Жуух бичиг”, хавтасны загварыг 6 дугаар хавсралтаар, Шагналд нэр дэвшигчийн анкетын загварыг 7 дугаар хавсралтаар тус тус баталсугай.

2. Журам батлагдсантай холбогдуулан Шүүхийн ерөнхий зөвлөлийн 2017 оны 74 дүгээр тогтоолоор баталсан “Шүүхийн шагналын журам”-ыг хүчингүй болсонд тооцсугай.

3. Энэ тогтоолыг батлагдсан өдрөөс эхлэн дагаж мөрдсүгэй.

ДАРГА



Д.ЗҮМБЭРЭЛЛХАМ

011000332

Шүүхийн ерөнхий зөвлөлийн 2022 оны  
01 дүгээр сарын 14-ний өдрийн  
20 дугаар тогтоолын 1 дүгээр хавсралт

## ШҮҮХИЙН ШАГНАЛЫН ЖУРАМ УХА0052 1701517

### Нэг.Нийтлэг үндэслэл

1.1.Шүүхийн захиргааны ажилтныг шагналд нэр дэвшүүлэх, тодорхойлох, олгохтой холбогдсон харилцааг Шүүхийн шагналын журам (цаашид “журам” гэх)-аар зохицуулна.

1.2.Шударга ёсыг тогтоох, хууль ёсыг бэхжүүлэх, хүний эрхийг хангах, шүүхийн үйл ажиллагааны ил тод, хүртээмжтэй байдлыг хангахад бодитой хувь нэмэр оруулсан төрийн албан хаагч, бусад байгууллагын ажилтан, Монгол Улсын болон гадаад улсын иргэн (цаашид “иргэн” гэх)-д энэ журамд заасан шагналыг олгож болно.

### Хоёр.Шагналын төрөл

2.1.Шүүхийн шагнал нь дор дурдсан төрөлтэй байна:

- 2.1.1.“Шүүхийн тэргүүний ажилтан” цол, тэмдэг;
- 2.1.2.Монгол Улсын дээд шүүхийн “Хүндэт тэмдэг”;
- 2.1.3.Шүүхийн ерөнхий зөвлөлийн “Хүндэт тэмдэг”;
- 2.1.4.“Шударга ёсны элч” цол, тэмдэг;
- 2.1.5.Монгол Улсын дээд шүүхийн “Жуух бичиг”;
- 2.1.6.Шүүхийн ерөнхий зөвлөлийн “Жуух бичиг”.

### Гурав.“Шүүхийн тэргүүний ажилтан” цол, тэмдэг

3.1.“Шүүхийн тэргүүний ажилтан” цол, тэмдгийг шүүхийн шинэтгэл, шүүхийн захиргааны байгууллагын хөгжилд бодитой хувь нэмэр оруулсан, шүүхийн байгууллагад 12-оос доошгүй жил ажилласан шүүхийн захиргааны ажилтанд Шүүхийн ерөнхий зөвлөлийн даргын тушаалаар олгоно.

3.2.“Шүүхийн тэргүүний ажилтан” цол, тэмдэг нь хувийн дугаар, үнэмлэхтэй байна. Мөнгөн урамшууллын хэмжээ 300.000 (гурван зуун мянга) төгрөг байна.

3.3.Журмын 3.2-т заасан мөнгөн урамшууллыг шагнуулахаар тодорхойлсон байгууллага, Шүүхийн ерөнхий зөвлөлөөс нэр дэвшүүлж шийдвэрлэсэн бол тус Зөвлөл олгоно.

### Дөрөв.Монгол Улсын дээд шүүхийн “Хүндэт тэмдэг”

4.1.Монгол Улсын дээд шүүхийн “Хүндэт тэмдэг”-ийг шүүхийн байгууллагад 12-оос доошгүй жил үр бүтээлтэй ажилласан, шүүхийн шинэтгэлд бодитой хувь нэмэр оруулсан шүүхийн захиргааны ажилтан, төрийн албан хаагч, иргэнд Улсын дээд шүүхийн Ерөнхий шүүгчийн захирамжаар олгоно.

4.2.Монгол Улсын дээд шүүхийн “Хүндэт тэмдэг” нь хувийн дугаар, үнэмлэхтэй байна. Мөнгөн урамшууллын хэмжээ 200.000 (хоёр зуун мянга) төгрөг байна.

4.3.Журмын 4.2-т заасан мөнгөн урамшууллыг шагнуулахаар тодорхойлсон байгууллага, Улсын дээд шүүхээс нэр дэвшүүлж шийдвэрлэсэн бол тус шүүхээс олгоно.

#### **Тав.Шүүхийн ерөнхий зөвлөлийн “Хүндэт тэмдэг”**

5.1.Шүүхийн ерөнхий зөвлөлийн “Хүндэт тэмдэг”-ийг шүүхийн байгууллагад 10-аас доошгүй жил үр бүтээлтэй ажилласан, шүүхийн шинэтгэлд бодитой хувь нэмэр оруулсан шүүхийн захиргааны ажилтан, төрийн албан хаагч, иргэнд Шүүхийн ерөнхий зөвлөлийн даргын тушаалаар олгоно.

5.2.Шүүхийн ерөнхий зөвлөлийн “Хүндэт тэмдэг” нь хувийн дугаар, үнэмлэхтэй байна. Мөнгөн урамшууллын хэмжээ 200.000 (хоёр зуун мянга) төгрөг байна.

5.3.Журмын 5.2-т заасан мөнгөн урамшууллыг шагнуулахаар тодорхойлсон байгууллага, Шүүхийн ерөнхий зөвлөлөөс нэр дэвшүүлж шийдвэрлэсэн бол тус Зөвлөл олгоно.

#### **Зургаа.“Шударга ёсны элч” цол, тэмдэг**

6.1.“Шударга ёсны элч” цол, тэмдгийг шүүх эрх мэдлийн шинэтгэлд бодитой хувь нэмэр оруулсан гадаадын болон Монгол Улсын иргэнд Шүүхийн ерөнхий зөвлөлийн даргын тушаалаар олгоно.

6.2.“Шударга ёсны элч” цол, тэмдэг нь хувийн дугаар, үнэмлэхтэй байна. Мөнгөн урамшууллын хэмжээ 200.000 (хоёр зуун мянга) төгрөг байна.

#### **Долоо.Монгол Улсын дээд шүүхийн “Жуух бичиг”**

7.1.Монгол Улсын дээд шүүхийн “Жуух бичиг”-ийг шүүх, хууль зүйн салбарт 5-аас доошгүй жил идэвх зүтгэл, үр бүтээл гарган ажил үйлсээрээ тэргүүлэн ажилласан шүүхийн захиргааны ажилтан болон төрийн албан хаагч, иргэнд Монгол Улсын дээд шүүхийн Ерөнхий шүүгчийн захирамжаар олгоно.

7.2.Монгол Улсын дээд шүүхийн “Жуух бичиг” нь хувийн дугаартай байна. Мөнгөн урамшууллын хэмжээ 100.000 (нэг зуун мянга) төгрөг байна.

#### **Найм.Шүүхийн ерөнхий зөвлөлийн “Жуух бичиг”**

8.1.Шүүхийн ерөнхий зөвлөлийн “Жуух бичиг”-ийг шүүх эрх мэдлийн салбарт хувь нэмрээ оруулж, идэвх зүтгэл, үр бүтээл гарган ажилласан шүүхийн захиргааны ажилтан, төрийн албан хаагч, иргэнд Шүүхийн ерөнхий зөвлөлийн даргын тушаалаар олгоно.

8.2.Шүүхийн ерөнхий зөвлөлийн “Жуух бичиг”-ийн мөнгөн урамшууллын хэмжээ 100.000 (нэг зуун мянга) төгрөг байна.

### **Ес.Шагналд тодорхойлох, шийдвэрлэх**

9.1. Шагналд дараах журмаар нэр дэвшүүлнэ. Үүнд:

9.1.1.Шүүхийн ерөнхий зөвлөл, бүх шатны шүүхийн захиргааны ажилтныг тухайн байгууллагын хамт олны хурлаас;

9.1.2.Монгол Улсын дээд шүүх болон Шүүхийн ерөнхий зөвлөлийн санаачилж, нэр дэвшүүлснээр;

9.1.3.бусад байгууллагын ажилтан, иргэнийг Шүүхийн ерөнхий зөвлөлийн Ажлын албаны санал, эсхүл тухайн байгууллагын тодорхойлолтоор.

9.2.Энэхүү журмын 9.1-д заасан шагналд нэр дэвшүүлсэн материал, холбогдох баримт бичгийг жил бүрийн 02 дугаар сарын 01-ний өдрийн дотор Шүүхийн ерөнхий зөвлөлд цахим, эсхүл цаасан хэлбэрээр ирүүлсэн байна.

9.3.Журмын 9.4-т заасан материалыг ирүүлэхдээ хугацаа хожимдуулсан, хуурамчаар бүрдүүлсэн, шагналд нэр дэвшүүлэх болзол шаардлага хангаагүй албан хаагчийг нэр дэвшүүлсэн тохиолдолд шагнал олгох асуудлыг хэлэлцэхгүй бөгөөд холбогдох материалыг буцаана.

9.4.Шагналд нэр дэвшүүлэхдээ дор дурдсан материалыг бүрдүүлнэ:

9.4.1.баталсан загварын анкет /цээж зураг 3х4/;

9.4.2.байгууллагын хамт олны хурлын тэмдэглэл;

9.4.3.ажил байдлын тодорхойлолт (урьд нь шагнагдсан байдлыг тусгах);

9.4.4.онцгой амжилт гаргасан бол түүнийг гэрчлэх баримтын хуулбар;

9.4.5.шагнуулах тухай эрх бүхий албан тушаалтны гарын үсэг бүхий албан бичиг.

9.5.Шагналд нэр дэвшигчийн ажил байдлын тодорхойлолтод салбарын хөгжил, байгууллагын үйл ажиллагаанд оруулсан хувь нэмэр, ажлын амжилт, бүтээлийн талаар тодорхой дурдсан байх бөгөөд холбогдох үзүүлэлт, баримтыг хавсаргасан байна.

### **Арав.Шагнал олгох**

10.1.Журмын 9.4-т заасан бүрдүүлбэрийг холбогдох нэгж хянан саналаа удирдлагад танилцуулна.

10.2.Журамд заасан шагналаар шагнагдсан шүүхийн захиргааны ажилтан, иргэнд шагналыг хүндэтгэлтэйгээр гардуулна. Биечлэн гардуулах боломжгүй тохиолдолд шагналыг холбогдох тушаалын хуулбарын хамт шагналд нэр дэвшүүлсэн байгууллагад хүргүүлнэ.

10.3.Журамд заасан цол, тэмдэг, үнэмлэх, жуух бичгийг үрэгдүүлсэн, эвдэж гэмтээсэн, алдсан тохиолдолд нөхөн (зохих үнээр нь) олгож болно.

10.4.Журмын 10.3-т заасны дагуу өргөдлийг хянан үзэж тэмдэг, үнэмлэх, жуух бичгийг нөхөн олгох үндэслэлтэй тохиолдолд дараах материалыг бүрдүүлнэ. Үүнд:

10.4.1.нөхөн олгож өгөхийг хүссэн өргөдөл;

10.4.2.иргэний үнэмлэхийн хуулбар;

10.4.3.шагналын үнэмлэхийн хуулбар;

10.4.4.төлбөр тушаасан баримт.

#### **Арван нэг.Бусад**

11.1.Шүүхийн ерөнхий зөвлөл нь шагналын мэдээллийн сантай байна. Санг хариуцсан ажилтан хөтөлнө.

11.2.Журмын 11.1-д заасан мэдээллийг Шүүхийн хүний нөөцийн программд ажлын алба, шүүхийн Тамгын газар тухай бүр бүртгэж, Төрийн албаны тухай хуулийн 15 дугаар зүйлийн 15.1-д заасны дагуу тухайн албан хаагчийн хувийн хэрэгт тэмдэглэж, шагналын үнэмлэхийн хуулбарыг хадгална.

11.3.Хувийн ашиг сонирхлын үүднээс бусдад давуу тал олгосон болон бусад хэлбэрээр журмыг зөрчсөн албан тушаалтанд холбогдох хуульд заасан хариуцлага ногдуулна.

---oOo---



Шүүхийн ерөнхий зөвлөлийн 2022 оны  
01 дүгээр сарын 27-ний өдрийн 20 дугаар  
тогтоолын 2 дугаар хавсралт

## “ШҮҮХИЙН ТЭРГҮҮНИЙ АЖИЛТАН” ЦОЛ, ТЭМДГИЙН ЗАГВАР



## “Шүүхийн тэргүүний ажилтан” цол, тэмдгийн тодорхойлолт


“Шүүхийн тэргүүний ажилтан” цол, тэмдэг /цаашид “Тэмдэг” гэх нь эрх зүйч, эвдэршгүй бат бэхийн бэлгэдэл болох Нацагдорж дүрс дээр шүүхийн бэлгэ тэмдгийг байрлуулсан байна. Нацагдорж дүрс нь бараан саарал өнгөнөөс уусаж цайрсан мөнгөлөг өнгөтэй байна.

Шүүхийн бэлгэ тэмдгийг байрлуулсан Нацагдорж дүрсийн дээд хэсэгт мөнх тэнгэрийг бэлгэлсэн хөх өнгө бүхий алтан шаргал хүрээтэй тэгш өнцөгт дээр “Шүүхийн тэргүүний ажилтан” гэж алтан шаргал өнгөөр бичнэ. Тэмдгийн холбоос хэсэг нь бадам цэцгийн суурьтай, эрт, эдүгээ, ирээдүй цагийг бэлгэдсэн чандмань эрдэнийн дүрстэй байх бөгөөд алтан шаргал өнгийн үндэсний хээгээр чимэглэгдсэн байна.

“Шүүхийн тэргүүний ажилтан” тэмдэгт илэрхийлсэн дүрсүүдийн хэмжээг загварт заасны дагуу хийнэ.

**ШҮҮХИЙН ЕРӨНХИЙ ЗӨВЛӨЛИЙН “ШҮҮХИЙН ТЭРГҮҮНИЙ АЖИЛТАН” ЦОЛ,  
ТЭМДЭГ-ИЙН ҮНЭМЛЭХИЙН ЗАГВАР**

ШҮҮХИЙН ТЭРГҮҮНИЙ АЖИЛТАН ЦОЛ, ТЭМДЭГ	Хүндэт	Танаа
	<p>Шүүхийн шингэтэл, шүүхийн захиргааны байгууллагын хөгжилд бодитой хувь нэмэр оруулсныг таны үнэтэн <b>“Шүүхийн тэргүүний ажилтан” цол, тэмдэг</b>р шагнаж, эгэхүү үнэмлэхийг олгов.</p> <p>ШҮҮХИЙН ЕРӨНХИЙ ЗӨВЛӨЛИЙН ДАРГА</p>	
Дугаар: ..	20... он ... сар ... өдөр	



Тайлбар: Шүүхийн ерөнхий зөвлөлийн “Шүүхийн тэргүүний ажилтан” цол, тэмдгийн хавтас, үнэмлэхийн хэмжээ 120:150 мм байна.

Шүүхийн ерөнхий зөвлөлийн  
2022 оны 01 дүгээр сарын 27-ний  
өдрийн 20 дугаар тогтоолын 3  
дугаар хавсралт

**МОНГОЛ УЛСЫН ДЭЭД ШҮҮХИЙН  
“ХҮНДЭТ ТЭМДЭГ”-ИЙН ЗАГВАР**

УХА0052 1701517



**Монгол Улсын дээд шүүхийн  
“Хүндэт тэмдэг”-ийн тодорхойлолт**

Монгол Улсын дээд шүүхийн Хүндэт тэмдгийн оройн хэсэгт төрийн соёмбыг байрлуулсан байх ба гол хэсгийг товойлгон Монгол Улсын шүүхийн бэлгэ тэмдэг болох дугуй хэлбэрийн дэвсгэр дээр үнэн цагааны бэлгэдэл хүндэтгэлийн навчин хүрээтэй, аливаа хууль бусыг даран арилгахыг билэгдсэн суман голчтой, хэрэг маргааныг нягтлан дэнсэлж гагцхүү үнэнийг тогтоох дэнсний хэлбэртэй байх бөгөөд бат бөхийн бэлгэдэл хар өнгөөр дүрслэгдсэн байна.

Голын бэлгэдлийг тойруулан “Монгол Улсын дээд шүүхийн Хүндэт тэмдэг” гэсэн үгийг алтан шаргалаар цэнхэр өнгийн дэвсгэр дээр бичнэ.

Тэмдэг 10 ширхэг талстат 5 цацрагаас бүрдсэн нь шүүхийн үйл ажиллагаа дөрвөн зүг, найман зовхист мандан цацрахыг, цацрагуудын хоорондох 5 ширхэг баднь хууль ёс улс орон даяар түгэн дэлгэрэхийг, тус бадан дээрх шигтгээ нь үнэн шударгыг тус тус илэрхийлнэ.


Тэмдгийн дугаригийн голч 40 мм, түүний доторх шүүхийн бэлгэ тэмдгийн голч 18 мм байна.

Тэмдгийн ард талд тэмдгийг хувцсанд тогтоох зүү байна.



МОНГОЛ УЛСЫН ДЭЭД ШҮҮХИЙН  
“ХҮНДЭТ ТЭМДЭГ”-ИЙН ҮНЭМЛЭХ, ХАВТАСНЫ ЗАГВАР

	Хүндэт ..... .....
	Танаа Шүүх эрх мэдлийн байгууллагын хөгжилд оруулж буй хувь нэмрийг тань үнэлэн Монгол Улсын дээд шүүхийн “ХҮНДЭТ ТЭМДЭГ”-ээр шагнаж, энэхүү үнэмлэхийг олгов.
	ЕРӨНХИЙ ШҮҮГЧ .....
	Дугаар № . . . 20 . . . оны . . . сарын . . . -ны өдөр




Тайлбар: Монгол Улсын дээд шүүхийн “Хүндэт тэмдэг”-ийн үнэмлэхийн хэмжээ 97:139 мм, хавтасны хэмжээ 103:147 мм байна.

## МОНГОЛ УЛСЫН ДЭЭД ШҮҮХИЙН “ЖУУХ БИЧИГ”, ХАВТАСНЫ ЗАГВАР



Тайлбар: Монгол Улсын дээд шүүхийн “Жуух бичиг” нь алхан хээн хүрээтэй, түмэн насан хээ бүхий дэвсгэртэй байх бөгөөд хэмжээ 190:250 мм, хавтасны хэмжээ 195:255 мм байна.

**ШҮҮХИЙН ЕРӨНХИЙ ЗӨВЛӨЛИЙН  
“ХҮНДЭТ ТЭМДЭГ”-ИЙН ЗАГВАР** УХА0052 1701517



**Шүүхийн ерөнхий зөвлөлийн “Хүндэт тэмдэг”-ийн  
тодорхойлолт**

Шүүхийн ерөнхий зөвлөлийн “Хүндэт тэмдэг” нь хэзээд төгсгөлгүй сайны бэлгэдэл болох Өлзий хээн дээр шүүхийн бие даасан, шүүгчийн хараат бус байдлыг хангах, хамгаалах захиргааны чиг үүргийг илэрхийлсэн Шүүхийн ерөнхий зөвлөлийн бэлгэ, тэмдгийг байрлуулсан байна.

Шүүхийн ерөнхий зөвлөлийн бэлгэ, тэмдгийг тойруулан “ШҮҮХИЙН ЕРӨНХИЙ ЗӨВЛӨЛ, ХҮНДЭТ ТЭМДЭГ” /дээд хэсэгт “Шүүхийн ерөнхий зөвлөл” доод хэсэгт “Хүндэт тэмдэг” гэж/ гэсэн үгийг хар хөх өнгөөр мөнгөлөг өнгийн дэвсгэр дээр бичнэ.


Өлзий хээ нь талст бүхий алтан шаргал өнгөтэй товгор байна.

Шүүхийн ерөнхий зөвлөлийн “Хүндэт тэмдэг”-т илэрхийлсэн дүрсүүдийн хэмжээг загварт заасны дагуу хийнэ.

Тэмдгийн ар талд хувцсанд тогтоох зүү байна.

## ШҮҮХИЙН ЕРӨНХИЙ ЗӨВЛӨЛИЙН “ХҮНДЭТ ТЭМДЭГ”-ИЙН ҮНЭМЛЭХИЙН ЗАГВАР

ШҮҮХИЙН ЕРӨНХИЙ ЗӨВЛӨЛИЙН “ХҮНДЭТ ТЭМДЭГ”	Хүндэт	танаа
	Шүүхийн шинэтгэлд бодитой хувь нэмэр оруулж, үр бүтээлтэй ажилласныг тань үнэлэн Шүүхийн ерөнхий зөвлөлийн “Хүндэт тэмдэг”-ээр шагнаж, энэхүү үнэмлэхийг олгов.	
	ШҮҮХИЙН ЕРӨНХИЙ ЗӨВЛӨЛИЙН ДАРГА	
Дугаар: ..	20.. он .. сар ..өдөр	




Тайлбар: Шүүхийн ерөнхий зөвлөлийн “Хүндэт тэмдэг”-ийн хавтас, үнэмлэхийн хэмжээ 120:150 мм байна.



Шүүхийн ерөнхий зөвлөлийн 2022 оны  
01 дүгээр сарын 27-ний өдрийн 20 дугаар  
тогтоолын 5 дугаар хавсралт

## “ШУДАРГА ЁСНЫ ЭЛЧ” ЦОЛ, ТЭМДГИЙН ЗАГВАР

УХА0052 1701517



### “Шударга ёсны элч” тэмдгийн тодорхойлолт

“Шударга ёсны элч” тэмдэг /цаашид “Тэмдэг” гэх/ нь эрч хүч, эвдэршгүй бат бэхийн бэлгэдэл болох Нацагдорж дүрс дээр шүүх хууль ёс, хүний эрх, эрх чөлөө, шударга ёсны баталгаа болохыг илэрхийлсэн Монгол Улсын Шүүхийн бэлгэ тэмдгийг байрлуулсан байна.

Шүүхийн бэлгэ тэмдгийг тойруулан “ШУДАРГА ЁСНЫ ЭЛЧ” /дээд хэсэгт “шударга ёсны” доод хэсэгт “элч” гэж/ гэсэн үгийг мөнгөлөг өнгөөр цэнхэр өнгийн дэвсгэр дээр бичнэ.

Нацагдорж дүрс нь бараан саарал өнгөнөөс уусаж цайрсан мөнгөлөг өнгөтэй товгор байх ба дэлбээний уг тус бүрд муу зүйлээс хамгаалах ариун сахиусны бэлгэдэл шүр эрдэнийг байрлуулсан байна.


“Шударга ёсны элч” тэмдэгт илэрхийлсэн дүрсүүдийн хэмжээг загварт заасны дагуу хийнэ.

Тэмдгийн ар талд хувцсанд тогтоох зүү байна.



## “ШУДАРГА ЁСНЫ ЭЛЧ” ЦОЛ, ТЭМДГИЙН ҮНЭМЛЭХИЙН ЗАГВАР

ШУДАРГА ЁСНЫ ЭЛЧ ЦОЛ, ТЭМДЭГ	Хүндэтг	Танаа
	Шүүх эрх мэдлийн шинэтгэлд бодитой хувь нэмэр оруулсныг тань үнэлэн “Шударга ёсны элч” цол, тэмдгээр шагнаж энэхүү үнэмлэхийг олгоно.	
Дугаар: ..	ШҮҮХИЙН ЕРӨНХИЙ ЗӨВЛӨЛИЙН ДАРГА	20... он ... сар ... өдөр



Тайлбар: “Шударга ёсны элч” цол тэмдгийн хавтас, үнэмлэхийн хэмжээ 120:150 мм байна.

Шүүхийн ерөнхий зөвлөлийн 2022 оны  
01 дүгээр сарын 27-ний өдрийн 20 дугаар  
тогтоолын 6 дугаар хавсралт

ШҮҮХИЙН ЕРӨНХИЙ ЗӨВЛӨЛИЙН “ЖУУХ БИЧИГ”-ИЙН ЗАГВАР



Тайлбар: Шүүхийн ерөнхий зөвлөлийн “Жуух бичиг” нь алхан хээн хүрээтэй, гол хэсэгт Шүүхийн ерөнхий зөвлөлийн логог байрлуулсан, “Жуух бичиг”-ийн хавтасны хэмжээ 210:297 мм байна.

Шүүхийн ерөнхий зөвлөлийн 2022 оны  
01 дүгээр сарын 17-ний өдрийн 10 дугаар  
тогтоолын 7 дугаар хавсралт

## ШАГНАЛД НЭР ДЭВШИГЧИЙН АНКЕТ

1. Эцэг/эх-ийн нэр: .....2. Нэр:.....
3. Төрсөн огноо, регистр:.....
4. Хүйс:.....
5. Боловсрол:.....
6. Мэргэжил:.....
7. Ажилладаг салбар: .....
8. Улсад ажилласан жил:.....
9. Шүүхэд ажилласан жил: .....
10. Одоо ажиллаж байгаа газар

3x4

Д/д	Ажлын газрын нэр	Хугацаа	Эрхэлсэн ажил
1.			
2.			
3.			

11. Урьд шагнагдаж байсан шагналууд:

Д/д	Шагналын нэр	Шагнагдсан огноо
1		
2		

12. Шагнуулах үндэслэл: .....

13. Шагнуулах шагналын төрөл:.....

14. Хамт олны саналын хувь: .....

15. Шүүхийн Тамгын газрын дарга, байгууллагын дарга, захирлын гарын үсэг,  
тэмдэг.